

新增東國輿地勝覽

第一

新增東國輿地勝覽 第一

(값 三원 七〇전)

一九五九년

六월 二〇일

인쇄

一九五九년

六월 二五일

발행

편찬자

조선 ~~반~~ 주주의 인민 공화국 과학원

고 전 연 구 실

발행자

조선 민주주의 인민 공화국

과학원 출판사

인쇄소

로동 신문 출판 인쇄소

進新增東國輿地勝覽箋

大匡輔國崇祿大夫議政府右議政兼領經筵事監春秋館事弘文館大提學藝

文館大提學知成均館事臣李荇資憲大夫吏曹判書兼同知

經筵春秋館事藝文館提學臣世子右副賓客臣洪彥弼等奉

旨撰新增東國輿地勝覽訖謹繕寫投進。臣等誠惶誠恐稽首稽首上言。伏以

聖繼

神承幅員極四方之廣風移俗變圖籍隨一時之宜既有作之於前可無述而

於後。匪今伊始振古皆然。禹貢成篇載績唐虞之典周官分職寔續文武之

謨。于前世而有光固後人之當法。雖或因或革之各異亦所損所益之可知。

念我

朝鮮爲邦肇自箕子作教。山川形勝佳哉鬱鬱而葱葱禮樂文章煥乎彬彬而郁

郁。厥後離合之不一而致變更之無常。逮我

太祖之作興復茲隆古之疆理。自東西南北之遠盡入於版圖覽鳥獸魚鼈之微咸

若乎

風化。顧

國乘之無著乃

列聖之未遑。惟我

成宗康靖大王

道合先天

志存稽古謂欲垂示於來世曷若表章於當時。

命儒臣以編修稟

淵衷之

指授。縱橫數千里廣輪不出戶而可見上下幾百年事蹟如指掌之甚明。然年歲

之屢遷或信疑之相雜在廢朝嘗經更定於

盛典未能發揮。恭惟

主上殿下 乃

聖乃

神丕

承丕

顯。

重華協帝

治已定而

功已成 申命自天地改闢而民改聚。適追

成廟之遺意擬撰

昭代之全書不鄙臣等之空疎俾任先正之餘業兢惶罔措黽勉何堪。求諸野求諸朝博採前世之逸漏驗乎今驗乎昔大備當日之會通。更數載而訖功罄一得之愚慮。因舊條餘五十卷錄新增摠若干言。循

先聖之規模敢一辭其或贊奉

成算以繼志 庶大綱焉不遺幸編簡之克完 謹粧縑而輟

進。倘遇

燕閒之暇

俯賜

乙覽之勤。土地受於

先王 思

祖宗開創之不易 法度傳於後世

戒子孫持守而罔愆。臣等無任激切屏營之至謹奉

進隨

箋以

聞。

嘉靖九年八月日 大匡輔國崇祿大夫議政府右議政兼領經筵事監春秋館事弘文館大提學藝文館大提學知成均館事臣李 梈等 謹

上箋。

新增東國輿地勝覽序

東國輿地勝覽 我

成宗大王朝所纂集也。

成宗大王 以緝熙之學乃於萬機之暇 留意輿地圖誌。

命宣城府院君盧思愼等撰次爲書。首自京都下及諸道沿革之有異 風俗之不同

尊而

廟社陵寢 嚴而

宮闕官府。學校是敦養之地 土產乃衣食之原。論人物則孝子烈女爲之綱 語

形勝則城郭山川爲其要。以至樓亭寺社驛院橋梁名賢事蹟 騷人題詠 纖細

微隱靡不備錄。雖歷代之久 四境之遠一開卷而瞭然如指諸掌 寔一國之

勝覽 而

列聖之所未遑也。蓋出於周官體國經野之法度而郁郁乎文哉。其在廢朝更令撰

修頗有增損逮至末年立私藏之禁是書之在於民間者無幾矣。恭惟

主上殿下性稟生知運值中興文明之治有光前昔。念惟是書之修於廢朝者 或有

未盡而敝政之末 多事紛更 其沿革之由 亦不可使無徵。遂

命儒臣撰爲續編証訛補漏而又令 臣等監掌其事。祇奉

教旨不勝惶悚開局設員刻期責成。凡事之有疑而不可闕者，必用文移往復，故再閱歲始克就緒。嗚呼！以臣等愚魯，雖於京都之內，耳目所聆觀者，尙或有所脫誤，況在四方遠或數千里之外，欲盡以文移爲定，不亦難矣乎。謬妄之罪，無所敢逃。雖然，

聖念所及，豈區區於事爲文字之末哉。於

廟社則思敬而致如在之誠，戒後嗣不敢慢。於

宮闕則思安而念肯構之勤，使後世無以加。覽土地之廣，則思受之於

先王而慮一物之不得其所。見物產之夥，則思出之於民力而以四方惟正之供。

觀人物之盛，則思

祖宗培養之功而政不可以徒行。觀山川之壯，則思歷代興替之跡而險不足以終恃。思之又思，以至纖微無不皆然。損之益之，與時宜之，則是編之撰於

聖明之政，亦不可謂無萬一之補云。嘉靖九年庚寅八月上潯大匡輔國崇祿大夫議政府右議政兼領經筵事監春秋館事弘文館大提學藝文館大提學知成均館事臣李荊拜手稽首謹序。

奉

教修新增東國輿地勝覽官員職名

大匡輔國崇祿大夫議政府左議政兼領 經筵事監春秋館事弘文館大提學
藝文館大提學知成均館事

臣 李 荇

正憲大夫行同知中樞府事兼知春秋館事同知 經筵事 世子左賓客

臣 尹 殷 輔

資憲大夫戶曹判書兼 世子左副賓客

臣 申 公 濟

資憲大夫刑曹判書兼同知 經筵春秋館事藝文館提學 世子右副賓客

臣 洪 彥 弼

資憲大夫知中樞府事兼五衛都摠府副摠管

臣 李 思 鈞

嘉善大夫 吏曹參判

臣 黃 孝 獻

折衝將軍行龍驤衛大護軍

臣 李 希 輔

折衝將軍行義興衛護軍

臣 鄭 士 龍

通訓大夫弘文館直提學知製教兼經筵侍講官春秋館編修官承文院參校

臣 沈 思 順

通訓大夫弘文館直提學知製教兼經筵侍講官春秋館編修官藝文館應教

臣 沈 彥 光

通訓大夫承文院判校兼春秋館編修官漢學教授

臣 尹 旼

奉正大夫守弘文館典翰知製教兼經筵侍講官春秋館編修官

臣 元 繼 蔡

奉正大夫 掌樂院正

臣 魚 永 澄

通德郎守成均館司藝兼承文院校勘

臣 蔡 世 英

承	承	奉	奉	朝	禦
訓	議	直	直	奉	侮
郎	郎	守	郎	大	將
守	守	吏	守	夫	軍
承	司	正	議	行	行
文	憲	郎	政	吏	虎
院	府	兼	府	曹	賁
校	持	承	府	正	衛
理	平	院	檢	郎	副
		校			護
臣	臣	臣	臣	臣	臣
朴	李	黃	洪	李	尹
光			叙	億	
佑	任	恬	疇	孫	溪

進東國輿地勝覽箋

推忠定難翊戴純誠明亮佐理功臣輔國崇祿大夫宣城府院君兼領經筵事臣盧思愼推忠定難翊戴純誠明亮佐理功臣崇政大夫議政府右贊成兼知經筵事五衛都摠府都摠管晉山君臣姜希孟純誠明亮佐理功臣崇政大夫達城君兼弘文館大提學藝文館大提學知經筵春秋館成均館事五衛都摠府都摠管臣徐居正正憲大夫知中樞府事臣成任通政大夫禮曹參議臣金貞等奉旨撰東國輿地勝覽訖謹繕寫投

進。臣思愼等 誠惶誠恐 稽首稽首

上言。伏以

竝

聰明作

元后

端曆曆數之歸惟土地

受

先王

奄有幅員之廣。肆編圖志 請徹

冕旒。竊觀帝王之興咸有版籍之撰。禹貢成於夏史 敷土至詳 職方著於周

書經野悉備。降及歷代。各紀方輿。赫

大明之

照臨。志一統以昭揭。惟吾海隅之地實是天作之邦。檀君啓祚於前。箕子受封於後。四郡虎爭而幅裂三國。蠻戰以土崩。逮王氏統合以來。得提封粗保而有。顧女直雄據公險。割地滋深而胡元遙制耽羅。縮國蓋久。屬茲麗季之鹿失。偉我

太祖之

龍飛

化家

建玉基。地改闢而民改素。

作室乃肯構

聖善繼而

神善承。恭惟

主上殿下

挺睿智之資

撫盈成之運。顯哉

謨而承哉

烈巍乎

功而煥乎

文 凡制度之更張維其時矣。況版圖之述作烏可已乎。不鄙臣等之空疎俾任書

局之纂輯。旁採子集所載。兼摭郡乘之傳首。

神京而

廟社公署之是編次諸道而城郭關防之亦記。沿革紛其非一名號隨之不同。豈惟

形勝山川 抑風俗而物產。以至樓亭宮室暨院宇與橋梁古跡

陵墓之駢收列剎祠宇之具錄。驛程所以待使命學校所以育人材烈女驪存歿而

遺名賢並古今而取。於宦遊乎考政蹟以題詠而採詩歌皆聚此書實稟

成命。臣等俱以雕篆 濫叨編摩 緣文獻之可攷無徵 有紀載之此詳彼略。

久疲精於數四載方斷手於若干篇。數萬里疆域之分 可披圖而瞭心上 千

百年興廢之跡 一開卷而在目中。倘於

燕閒時

賜

乙覽地既莫非有念

祖宗開拓之艱難命惟不子常庶子孫持守而勤恤。臣思慎等無任激切屏營之至。謹

奉進隨

箋以

聞。

成化十七年四月十九日推忠定難翊戴純誠明亮佐理功臣輔國崇祿大夫宣城府院君兼領經筵事臣盧思慎等謹上箋。

東國輿地勝覽序

輿地有書古矣。黃帝畫分野。唐虞分十二州。夏有禹貢。周有職方。秦漢以降。各有誌有圖。宋嘉熙中。建安祝穆撰方輿勝覽。博採事要。逐節分入諸州之下。其文雅有足可尚。然趙宋渡江。天地分裂。不能無南北不盡之歎。欽惟皇明馭宇。文軌攸同。作一統誌。四海萬國。莫不包括。猗歟盛哉。念我東方。自檀君肇國。箕子受封。皆都平壤。漢置四郡。二府自是。三韓瓜分。馬韓統五十四國。辰卞韓各統十二國。然無圖籍可考。厥後新羅高句麗百濟三國鼎峙。新羅之地。東南至海。西至智異山。北至漢水。高句麗東至海。南至漢。西北踰遼河。百濟西南至海。東至智異山。北至漢。然三國地醜。莫能相向。新羅滅麗。濟幅員益廣。及其衰境。壤日蹙。弓裔據鐵原。稱後高麗。甄萱據完山。稱後百濟。土地幅裂。莫能統屬。高麗太祖。操鷄搏鴨。合三韓而一之。成宗始定十道。顯宗置三京四都護八牧五十六知州二十八鎮將二十縣令。睿宗擊逐女直。置九城。後定爲五道兩界。地理之盛於斯極矣。但西北以鴨綠爲限。東北以先春嶺爲界。蓋西北不及高句麗。而東北過之。然其歷代地誌。粗見於三國高麗二史。而未之詳焉。恭惟我

太祖康獻大王 受

天明命

定鼎漢陽

列聖相承封疆日闢定爲八道。處四方之中曰京畿。西南曰忠清東南曰慶尙偏南曰全羅正東曰江原正西曰黃海東北曰永安西北曰平安。凡京二府四大都護府四牧二十都護府四十四郡八十三縣一百七十三。表裏山河。經緯益鞏。我殿下卽位之十年戊戌春正月。臣梁誠之。進

八道地誌。臣等進東文選。

上遂命宣城府院君臣盧思懷右贊成臣姜希孟知中樞府事臣成任南原君臣梁誠之大司成臣鄭孝恒參議臣金自貞承文院判校臣李淑璵左通禮臣朴崇賢行護軍臣朴相暨臣居正等以詩文添入地誌。臣等恭承

嚴命簡率詞臣。分科賁成。上自館閣圖書。下至私藏草藁。無不披閱。一切分入。先之以沿革者。以一邑興廢不可先知也。繼之以風俗形勝者。風俗所以維持一縣形勝所以控帶四境也。以名山大川爲之經緯以高城大砦爲之襟抱。先書

廟社所以尊

祖宗敬

神祇也。次書宮室。所以嚴上下示威重也。定五部而辨坊里。設諸司而治庶務。陵寢乃

祖宗永安之地祠壇又國家不刊之典。興學以育一國之才。旌門以表三綱之本。

寺刹歷代以之祝釐。祠墓前賢以之追崇。士產者貢賦之所自出。倉庫者貢

賦之所以貯。樓臺所以時遊觀而待使臣也。院宇所以接行旅而禁盜賊也。

壯關防以待暴客。列站驛以傳使命。人物記已往之賢名。宦勸將來之善。

又終之以題詠。所以吟詠物像。歌頌

王化。實不外乎詩與文也。錄摠圖於京都之首。各付圖於其道之先。以此兩京八

道撰成五十卷。繕寫以進。臣等居今世。而窮歷代之迹。處都下。而考四域

之遠。焉能免舉此而遺彼。循訛而失實哉。然披書以考其事。覽圖以觀其迹。

則泰山不必登。河源不必窮。八道地理。瞭然心目。曾不出戶。而視如指掌。

矣。然則豈徒一時士子。開廣聰明。仰贊

盛治而已哉。必將

聖子神孫。承

祖宗輿地之廣

聲教之遠。而永言持守於萬世也無疑矣。成化紀元之十七年。蒼龍辛丑四月下

浣。純誠明亮佐理功臣崇政大夫達城君兼弘文館大提學藝文館大提學知

經筵春秋館成均館事五衛都摠府都摠管臣徐居正拜手稽首謹序。

奉

教修東國輿地勝覽官員職名

總裁

推忠定難翊戴純誠明亮佐理功臣輔國崇祿大夫宣城府院君兼領經筵事

臣盧思慎

推忠定難翊戴純誠明亮佐理功臣崇政大夫議政府右贊成兼知經筵事五衛都摠府都摠管晉山君

臣姜希孟

純誠明亮佐理功臣崇政大夫達城君兼弘文館大提學藝文館大提學知經筵春秋館成均館事五衛都摠府都摠管

臣徐居正

正憲大夫知中樞府事

臣成任

純誠明亮佐理功臣資憲大夫前工曹判書兼知春秋館事弘文館大提學南原君

臣梁誠之

纂集

通政大夫成均館大司成

臣鄭孝恒

通政大夫夫禮曹參議

臣金自貞

通訓大夫承文院判校知製

臣李淑璫

通訓大夫夫通禮院左通禮

臣朴崇質